

# ТРОИЧНЫ ПЕСНИ НА 8 ГЛАСОВ,

поемые, егда возглашати на утрени: Аллилуия.

## В седмицу 1-го гласа:

**Плотскими образовани безплотных Сил к мысленному и неведественному возводи уму и Трисвятою песню Триипостаснаго Божества приемоюще сияние, херувимски возопиим Единому Богу:**

**Слава: Со всеми Небесными Силами херувимски Сущему в вышних возопиим, Трисвятою возсылающе хвалу:**

**И ныне: Воставше от сна, припадаем Ти, Блаже, и ангельскую песнь вопиим Ти, Сильне:**

## В седмицу 2-го гласа:

**Вышния Силы подражающе на земли, победную песнь приносим Ти, Блаже:**

**Слава: Несозданное Естество, всех Зиждителю, устне наша отверзи, яко да возвестим хвалу Твою, вопиюще:**

**И ныне: От одра и сна воздвигл мя еси, Господи, ум мой просвети и сердце, и устне мой отверзи, во еже пети Тя, Святаа Троице:**

## В седмицу 3-го гласа:

**Троице Единосущная и Нераздельная, Единице Триипостасная и Соприсносущная, Тебе, яко Богу, ангельскую песнь вопиим:**

**Слава: Отца Безначальна, Сына Безначальна, Духа Соприсносущна, Божество Единое, херувимски славословити дерзающе, глаголем:**

**И ныне: Внезапно Судия придет, и коегождо деяния обнажатся, но страхом зовем в полунощи:**

## В седмицу 4-го гласа:

**Умных Твоих слуг приносити, смертнии, песнь дерзающе, глаголем:**

**Слава: Яко чини ныне Ангельстии на Небеси, и стояния страхом человеческая на земли, победную песнь приносим Ти, Блаже:**

**И ныне: Безначальнаго Твоего Отца, и Тебе, Христэ Боже, и Пресвятаго Твоего Духа, херувимски славословити дерзающе, глаголем:**

### **В седмицу 5-го гласа:**

**П**ению время, и молитве час, прилѣжно возопиѣм Единому Богу:

**Слава:** Образовати дерзѡюще умная Твоя воинства, Троице Безначальная, усты недостойными вопиѣм:

**И ныне:** Иже в ложесна Девическая вместивыйся и недр Отческих не разлучивыйся, со Ангелы и нас, Христе Боже, прими, вопиющих Ти:

### **В седмицу 6-го гласа:**

**П**редстояще со страхом Херувими, ужасающесе с трепетом Серафими, Трисвятую песнь приносят немолчным гласом, с нимиже и мы вопиѣм, грешнии:

**Слава:** Безплотными усты, немолчными славословеньми, Шестокрыльнии вопиют Ти Трисвятую песнь, Боже наш; и мы, иже на земли, недостойными усты хвалу Ти возсылаем:

**И ныне:** Троичныя Единицы Божество неслиянным соединением славим и Ангельскую песнь вопиѣм:

### **В седмицу 7-го гласа:**

**В**ышнею силою херувимски воспеваемый и Божественною славою Ангельски покланяемый, прими и нас, сущих на земли, недостойными устнами хваление Тебе возсылающих:

**Слава:** Яко сон, леность отложивши, душе, исправление к хвалению покажи Судий и со страхом возопий:

**И ныне:** Неприступному Божеству во Единице Троице, Серафимскую Трисвятую возсылающе хвалу, со страхом возопийм:

### **В седмицу 8-го гласа:**

**Н**а Небо сердца имуще, Ангельский подражим чин и со страхом Судий припадѣм, побѣдную взывающе хвалу:

**Слава:** Зрѣти Тебе не смеюще Херувими, летяще зовут со восклицанием Божественную песнь Трисвятаго гласа. С нимиже и мы вопиѣм Ти:

**И ныне:** Сляцаеми множеством прегрешений наших, и не смеюще возрѣти на высоту небесную, душу с телом приклоньше, со Ангелы песнь вопиѣм Ти:



# СЕДАЛЬНЫ ОТ ОКТОИХА,

яже глаголем на утрени по 1-м стихословии

## В седмицу 1-го гласа

### В понедельник

Седальны умилительны, глас 1:

**В** беззаконіих зачат есмь аз блудный, не смею взирати на высоту небесную, но, дерзая на человеколюбие Твое, зову: Бже, очисти мя и спаси мя.

**Стих:** Господи, да не яростию Твоею обличиши мене, ниже гневом Твоим накажешо мене.

Аще праведник едва спасается, аз где явлюся, грешный? Тяготы и зноя дневнаго не понесох; но с наемники единагонадесяте часа сопритчи мя, Бже, и спаси мя.

**Стих:** Дивен Бог во святых Своих, Бог Израилев.

**Мученичен:**<sup>1</sup> Страдания похвалю и вечною почестию славыи страстотерпцы одеяшася Тобою, Господи: терпением бо ран беззаконных победиша и силою Божественною с Небес победу прияша. Тех молитвами даруй нам, Бже, велию Твою милость.

**зри:** Аще несть в Минеи кондака святому, глаголем Мученичен не с седальнами вкупе, а на месте кондака, по 6-й песне канона.

Слава, и ныне, Богородичен:

Чудо чудес, Благодатная, в Тебе зрящи тварь радуется: зачала бо еси безсеменно и родила еси неизреченно, Ебоже чиноначалия Ангелов видети не могут; Того, Богородице, моли о душах наших.

### Во вторник

Седальны умилительны, глас 1:

Объятия Отца отверсти ми потщися, блудне мое иждих житие; на богатство неизживаемое взирай щедрот Твоих, Спасе, ныне обнищавшее не презри сердце. Тебе бо, Господи, умилением зову: согреших на Небо и пред Тобою.

---

<sup>1</sup> Мученичен помещен перед Богородичным, где его предписывают читать некоторые толкования Устава (напр. С.Булгаков, Настольная книга священнослужителя), хотя в Типиконе это указание не содержится.

**Стих:** Гóсподи, да не я́ростию Твоёю обличи́ши мене́, ниже́ гнёвом Твои́м нака́жеши мене́.

**Суди́ще** Твоё стра́шное и суд пра́веден, дела́ моя́ люта; но Сам, Ми́лостиве, предвари́в мя, спаси́ и му́ки свободи́, изба́ви, Влады́ко, от ко́злищ ча́сти и сподо́би мя одесну́ю Тебе́ ста́ти, Судие́ пра́веднейший.

**Стих:** Дивен Бог во святы́х Свои́х, Бог Изра́илев.

**Мученичен:** Я́ко до́брии во́ини, единому́дренно ве́ровавше, преще́ния мучи́телей не убо́явшеся, свя́тии, присту́пите усер́дно ко Христу́, взёмше честны́й Крест, и, сконча́вше течёние, с Небесе́ побéду прия́сте. Сла́ва Укре́пльшему вас, сла́ва Венча́вшему вас, сла́ва Де́йствующему ва́ми всем исцеле́ния.

**Слава, и ныне, Богородичен:**

Заче́нши неопáльно огонь Божества́ и ро́ждши безсе́менно Исто́чник живота́, Гóспода, благодáтная Богоро́дице, спасáй Тя велича́ющая.

## **В среду**

**Седалны крестны, глас 1:**

Ору́жие крёстное во бранéх яви́ся не́когда благочестивому царю́ Константину́, непобедима́я побéда на враги́ ве́ры ра́ди. Сего́ трепещут сопротивны́я си́лы, сей бысть ве́рным спасе́ние и Па́влу похвала́.

**Стих:** Возно́сите Гóспода Бо́га на́шего и поклоня́йтесь подно́жию но́гу Его́, я́ко свя́то есть.

Креста́ Твоего́ дре́ву поклоня́емся, Человеколю́бче, я́ко на нем пригвозди́лся еси́, Животе́ всех; рай отве́рзл еси́, Спа́се, ве́рою присту́пльшему к Тебе́ разбо́йнику, и сла́дости сподо́бися, испове́даяся Тебе́: помяни́ мя, Гóсподи; приими́ я́коже она́го и нас, зову́щия: согрешихом вси, благоутро́бием Твои́м не прэзри нас.

**Стих:** Дивен Бог во святы́х Свои́х, Бог Изра́илев.

**Мученичен:** Болéзнями святы́х, и́миже о Тебе́ пострада́ша, умоле́н бу́ди, Гóсподи, и вся на́ша болéзни исцели́, Человеколю́бче, мо́лимся.

**Слава, и ныне, Крестобогородичен:**

Агни́ца на дре́ве Агни́ца зря́щи с разбо́йникама, долготерпели́вно распина́ема Тебе́, Сло́ве, и копи́ем в ре́бра пробода́ема, восклицáше вопию́щи ма́терски: что страна́ное и ужа́сное, Сы́не Мой, та́инство? Ка́ко покрывáет гроб неопи́саннаго Бо́га? Неизрече́нно есть соверша́емое; не оста́ви Мене́, ро́ждшия Тя, Сы́не Мой сладча́йший.

## **В четверг**

### **Седалны апостольстии, глас 1:**

**Мрѣжею словѣсною плетѣния витійская, рыбарие трѣстию Крѣстною развѣргше, просветиша языки благочѣстно, славити Тя, Бѣга истиннаго. Тѣмже Тебѣ и песнь укрѣплъшему их вопиѣм: слава Отцѣ и Сыну, слава Единосущному Духу, слава тѣми просветившему мир.**

**Стих: Во всю зѣмлю изыде вещание их, и в концы вселѣнныя глаголы их.**

**Премудрии вселѣнныя ловцы, от Бѣга приимше милостивное, молите и ныне о нас, вопиющих: Господи, спаси страну и град Твой, и от содержащих лютых свободи апостолами души наша.**

**Стих: Дивен Бог во святых Своих, Бог Израилев.**

**Мученичен: Мученики Христовы молим вси: ти бо молят за спасение наше. И вси приступим к ним с верою: сии источают исцелений благодать, сии полки отгоняют демонов, яко хранители веры.**

### **Слава, и ныне, Богородичен:**

**Безматерняго на Небеси, паче мысли и слуха, на земли без отца родила еси; Того, Богородице, моли о душах наших.**

## **В пятюк**

### **Седалны крестны, глас 1:**

**Распеншуся Тебѣ, Христѣ, погибе мучительство, попрапа бысть сила вражия. Нижѣ бо Ангел, нижѣ человек, но Сам, Господи, спас еси нас: слава Тебѣ.**

**Стих: Возносите Господа Бѣга нашего и поклоняйтесь подножию ногу Его, яко свято есть.**

**Оружие крестное во бранех явися некогда благочестивому царю Константину, непобедимая победа на враги веры ради. Сего трепещут противныя силы; сей бысть верным спасение и Павлу похвала.**

**Стих: Дивен Бог во святых Своих, Бог Израилев.**

**Мученичен: Страдания похвалою и вечною почестью славному страстотерпцы одеяшася Тобою, Господи: терпением бо ран беззаконных победиша и силою Божественною с Небес побѣду прияша. Тех молитвами даруй нам, Бѣже, велию Твою милость.**

### **Слава, и ныне, Крестобогородичен:**

**Твое предстательство имуще, Пречистая, и Твоими молитвами лютых избавляеми, Крестом Сына Твоего вездѣ соблюдаеми, по долгу Тя вси благочѣстно величаем.**

## В седмицу 2-го гласа

### В понедельник

Седальны умилительны, глас 2:

**Я**ко вóлны морскія, востáша на мя беззакóния моя; я́ко кораблѣц в пучи́не, аз еди́н обурева́юся от прегрешѣний мно́гих; но во благоути́шное пристáнище наста́ви мя, Го́споди, пока́йнием и спаси́ мя.

**Стих:** Го́споди, да не я́ростию Твое́ю обличи́ши мене́, ниже́ гнѣвом Твои́м нака́жеша мене́.

**А**з есмь дре́во непло́дное, Го́споди, уми́ления плода́ не нося́ всячески; и посече́ния бою́ся, и огня́ она́го устраша́юся негаси́мага. Темже Ты молю́, пре́жде о́ныя ну́жды обрати́ и спаси́ мя.

**Стих:** Дивен Бог во святых Своих, Бог Израилев.

**Мученичен:** Тебе́, одева́ющаго не́бо о́блаки, иму́ще святѣи одея́ние в ми́ре, му́ки беззаконных претерпе́ша, и прелесть и́дольскую упраздни́ша; тех моли́твами и нас свободи́ от невидима́го врага́, Спа́се, и спаси́ нас.

**Слава, и ныне, Богородичен:**

**М**илосѣрдия сущи́ истóчник, мило́сти сподóби нас, Богорóдице Все-пѣтая, при́зри на лю́ди согрешѣвшия, яви́ я́ко при́сно си́лу Твою́: на Тя бо упова́юще, ра́дуйся, вопи́ем Ти, я́коже иногда́ Гаври́ил, безплóтных Архистрати́г.

### Во вторник

Седальны умилительны, глас 2:

**П**омилуй мя, рече́ Дави́д. И аз Тебе́ зову́: согрешѣх, Спа́се, моя́ грехи́ пока́йнием очи́стив, помилуй мя.

**Стих:** Го́споди, да не я́ростию Твое́ю обличи́ши мене́, ниже́ гнѣвом Твои́м нака́жеша мене́.

**П**омилуй мя, Боже, помилуй мя, о двою́ греху́ пла́каше Дави́д; о тьмах аз согрешѣний вопи́ю Ти. Он постѣлю́ слезáми омочевáше, аз же ни ка́пли еди́ныя íмам, отча́ялся и молю́: помилуй мя, Бо́же, по вели́цей Твое́й мило́сти.

**Стих:** Дивен Бог во святых Своих, Бог Израилев.

**Мученичен:** Просвети́вый святѣя Твоя́ па́че злата́ и просла́вивый преподóбныя Твоя́, я́ко Благ, те́ми умоля́ем быва́я, Христѣ́ Бо́же, жизнь на́шу умири́, я́ко Человеколю́бец, и моли́тву исправи́, я́ко кади́ло, Еди́не во святых почивáяй.

**Слава, и ныне, Крестобогородичен:**

**Б**огорóдице, не презри́ мене́, трéбующа заступлѣния Твоего́: на Тя бо упова́ душа́ моя́, помилуй мя.

## В среду

### Седальны крестны, глас 2:

**Животворящий Крест Твоея благасти, егѡже даровал еси нам, недостѡйным, Господи, Тебѣ приносим в молитву: спаси страну и град Твой молящийся, Богородицею, Едине Человеколюбче.**

**Стих: Вознесите Господа Бога нашего и поклоняйтесь подножию ногу Егѡ, яко свято есть.**

**Имже образом плени враг Адама дрѣвом снѣди, Господи, такоже пленил еси и Ты врага Дрѣвом Крестным и страстию Твоею. В сие бо пришел еси вторый Адам взыскати заблуждшаго, оживотворити умерщвленнаго; Бѡже, слава Тебѣ.**

**Стих: Дивен Бог во святых Своих, Бог Израилев.**

**Мученичен: Стратотѣрпцы Господни, блаженна земля, напившаяся кровьюми вашими, и свята селения, приимшая телеса ваша: в подвиже бо врага победисте и Христа со дерзновением проповѣдасте. Того, яко блага, молитѣ спастися, молимся, душам нашим.**

### Слава, и ныне, Крестобогородичен:

**Дѣва и Мати Твоя, Христѣ, на Дрѣве зрящи Тя мѣртва простѣрта, плачущи горько, Сыне Мой, глаголаше: что страшное сие таинство? Всем даруяй живѡт вѣчный, волею на Крестѣ како умираеши смѣртию поносною?**

## В четверток

### Седальны апостольстии, глас 2:

**Умудривый паче ветий ловцы и пославый якоже проповѣдники всей земли, неизреченным человеколюбием, Христѣ Бѡже, теми утверди Церковь Твою и верным низпосли благословение Твое, Едине Милостиве и Человеколюбче.**

**Стих: Во всю зѣмлю изыде вещание их, и в концы вселенныя глаголы их.**

**Уловивше языки рыбарие и научивше концы Тебѣ поклонятися, неизреченным Твоим человеколюбием, Христѣ Бѡже, теми утверди Церковь Твою и верным низпосли благословение Твое, Едине во святых почиваяй.**

**Стих: Дивен Бог во святых Своих, Бог Израилев.**

**Мученичен: Апостоли, мученицы и пророцы, святителие, преподобнии и праведнии, добре подвиг совершившии и веру соблюдшии, дерзновение имуще ко Спасу, о нас Того яко блага молитѣ спастися, молимся, душам нашим.**

### Слава, и ныне, Богородичен:

**Тя величаем, Богородице, вопиюще: радуйся, незаходямаго Света облаче, Того носивши в недрах, славы Господа.**



## В пяток

### Седадьны крестны, глас 2:

**Пречістому образу Твоему поклоняемся, Благій, просяще прощєния прегрешєний наших, Христє Божє; волю бо благоволил еси Плотию взыти на Крест, да избавиши, яже создал еси, от работы вражия. Тем благодарственно вопиєм Ти: радости исполнил еси вся, Спасє наш, пришедый спасти мир.**

**Стих: Возносите Господа Бога нашего и поклоняйтесь подножию ногу Его, яко свято есть.**

**Спасєние соделал еси посреде земли, Христє Божє, на Кресте пречистеи руке Твоей простерл еси, собирая вся языки, зовущия: Господи, слава Тебе.**

**Стих: Дивен Бог во святых Своих, Бог Израилев.**

**Мученичен: На камени неподвижном основавшєся святїи, на мучители крепко добльствоваша и мучєными венцы получиша; теми, Божє, спаси нас.**

### Слава, и ныне, Крестобогородичен:

**Препрославлена еси, Богородице Дєво, поєм Тя: Крестом бо Сына Твоего низложися ад, и смерть умертвися, умерщвлєннии востахом и живота сподобихомся, рай восприяхом, древнее наслаждєние. Тем благодаряще славословим, яко державнаго, Христа Бога нашего, и Единаго Многомилостиваго.**

## В седмицу 3-го гласа

### В понедельник

#### Седадьны умильтельны, глас 3:

**На страшном судищи без оглагольников обличаюся, без свидетелей осуждаюся: книги бо совєстныя разгибаются, и дела сокровєнная открываются. Прєжде даже во оном всенародном позорищи имаши испытати мною содеянная, Божє, очисти мя и спаси мя .**

**Стих: Господи, да не яростию Твоею обличиши мене, ниже гневом Твоим накажєши мене.**

**Докóле, душе моя, пребываєши в прегрешєниях? Докóле приємлєши покаяния прєложєние? Приими во умє суд грядущий и возопий Господу: Сердцевєдче, согрєших, прєжде даже не осудиши мя, помилуй мя.**

**Стих: Дивен Бог во святых Своих, Бог Израилев.**

**Мученичен: Кто не удивится святых мучеников непобедимым подвигом? Кто не ужаснется их присно исправлєнием? Яко огнем и биєнием, зверьми же и закланьми сопротивника врага победиша, царєй ласканий возгнушавшєся и мучителей прещєния оттрясе. Тем и венцы прияша от Христа Бога, подающаго миру вєлию милость.**



**Слава, и ныне, Богородичен:**

**К**ийждо идеже спасаётся, тамо праведно и притекает; и кое иное таковое прибежище, яко Ты, Богородице, покрывающее души наша?

**Во вторник****Седальны покаяны, глас 3:**

**Ж**ивущи на земли, душе моя, покайся: персть во гробе не поёт, прегрешений не избавляет. Возопий Христу Богу: Сердцеведче, согреших, прежде даже не осудиши мя, помилуй мя.

**Стих:** Господи, да не яростию Твоею обличиши мене, ниже гневом Твоим накажеш мене.

**В** час молитвы каются обещаюся, и враг прилежно согрешати влагает ми безместная; но от сего избави, Боже, и помилуй мя.

**Стих:** Дивен Бог во святых Своих, Бог Израилев.

**Мученичен:** Благодущие терпения вашего победи козни злоначального врага, страстотерпцы прехвальнии; сего ради вечного сподобистесь блаженства. Но молитесь Господеви христоролюбивых людей спасти стадо, мученицы сущи истины.

**Слава, и ныне, Богородичен:**

**П**рибежище и сила наша, Богородице, державная помощь мира, молитвами Твоими покрый рабы Твоя от всякия нужды, Единая Благословенная.

**В среду****Седальны крестны, глас 3:**

**Н**еисчетней власти Твоей и вольному распятию Ангельская воинства дивляхуся, зряще: како Невидимый плотию ураняшеся, хотя избавити от истления человечество? Темже, яко Жизнодавцу, вопиём Ти: слава, Христе, Царствию Твоему.

**Стих:** Возносите Господа Бога нашего и поклоняйтесь подножию ногу Его, яко свято есть.

**К**рест водрузися на земли и коснуса небесе, не яко древу досягну высоту, но Тебе на нем исполняющему всяческая; Господи, слава Тебе.

**Стих:** Дивен Бог во святых Своих, Бог Израилев.

**Мученичен:** Страстотерпец Твоих память, Господи, преуяснил еси, яко Всесилен, яко укрепил еси их страсти Твоя подражати: победиша бо мужески велиара силу, темже и прияша исцелений дарования. Тех молитвами, Человеколюбче, мир подаждь душам нашим.

**Слава, и ныне, Крестобогородичен:**

**Ж**езл сілы стяжавшии, Крест Сына Твоего, Богородице, тем низлагаем врагов шатания, любовь Ты непрестанно величающе.

**В четверток****Седаьны апостольстии, глас 3:**

**Б**ожественнии проповедницы истины и учителя Церкве, показася самовидцы, апостоли: идолов бо прелесть поправше и Троицу ясно проповедасе, Юже молите, блаженнии, даровати нам велию милость.

**Стих:** Во всю землю изыде вещание их, и в концы вселенныя глаголы их.

**П**риидите вси, апостола воспоим, яко правители: идолов бо лествь отгнаша, и к свету жизни возведоша, и Троицу славити научиша. Темже вси их честную память совершающе вернии, Спаса прославим.

**Стих:** Дивен Бог во святых Своих, Бог Израилев.

**Мученичен:** Вооружившися во всеоружие Христово и облечшися во оружие веры, ополчения вражия страдальчески низложиште; усердно бо, надежду жизни, претерпесте вся мучительская древле прещения же и раны. Темже и венцы приесте, мученицы Христовы терпеливodusнии.

**Слава, и ныне, Богородичен:**

**Я**ко невозделанная, Дево, лоза, краснейший Грозд прозябла еси, источающий нам вино спасительное, всех веселящее. Темже яко вину Ты благих уболажающе, присно со Ангелом вопиём: радуйся, Благодатная.

**В пяток****Седаьны крестны, глас 3:**

**К**рест и смерть пострадади изволивый, посреде твари сего водрузил еси; еда благоволил еси, Спаса, Телу Твоему пригвоздиться, тогда и солнце лучи сокры. Сия и разбойник зря, Бога Ты исповеда, вопия Тебе: помяни мя, Господи, и прият веровав рай.

**Стих:** Возносите Господа Бога нашего и поклоняйтесь подножию ногу Его, яко свято есть.

**Н**а кипарисе, и певке, и кедре вознеслся еси, Агнче Божий, да спасеши верою поклоняющихся вольному Твоему распятию; Христе Боже, слава Тебе.

**Стих:** Дивен Бог во святых Своих, Бог Израилев.

**Мученичен:** Сияете верою, пресветлая светила святии, благочестия врачеве, страстотерпцы прехвальнии; мучителей бо ран не убоившися, идольское злочестие низложиште, победу имуще непобедиму, Крест истинный.

**Слава, и ныне, Крестобогородичен:**

**П**оно́сную, Ще́дре, смерть распя́тием во́лею претерпéл еси́; егóже родив́шая Тя, Христе́, зря́щи, уязвля́шеся. Ея́же мольба́ми за благоутро́бие ми́лости Твоея́, Еди́не Преблагий́ Человеколю́бче Го́споди, ущéдри и спаси́ мир, взéмляй ми́ра грех.

**В седмицу 4-го гласа****В понедельник****Седаьны умилительны, глас 4:**

**С**мирéнную мою́ ду́шу посети́, Го́споди, во гресéх все житиé иждив́шую; имже о́бразом блудни́цу, приими́ и менé, и спаси́ мя.

**Стих:** Го́споди, да не я́ростию Твоею́ обличи́ши менé, ниже́ гнэвом Твои́м нака́жеша менé.

**П**репла́вая пучи́ну настоя́щаго жития́, помышля́ю бэ́зду мно́гих мои́х зол и, не имéяй окорми́теля помышлэ́ний, Петро́в провещава́ю Ти глас: спаси́ мя, Христе́, спаси́ мя, Бо́же, я́ко Человеколю́бец.

**Стих:** Дивен Бог во святы́х Свои́х, Бог Изра́илев.

**Мученичен:** Днесь Ангельская во́инства в па́мь страсотэ́рпцев приидо́ша, вэ́рных мы́сли просвети́ти и вселéнную благодáтию уясни́ти. Те́ми, Бо́же, умолен быва́яй, да́руй нам вéлию ми́лость.

**Слава, и ныне, Богородичен:**

**В**оспита́вшейся во хра́ме во святáя святы́х, оде́янной вéрою, и премудростию, и безмéрным дэ́вством, Архистрати́г Гаври́ил принесé с Небесé целова́ние, и е́же ра́дуйся, ра́дуйся, Благословéнная, ра́дуйся, Препросла́вленная, Господь с Тобо́ю.

**Во вторник****Седаьны умилительны, глас 4:**

**С**кóро совни́дем в невестник Христов, да вси услы́шим блажéнный глас Христа́ Бо́га на́шего: прииди́те, любя́щи небéсную сла́ву, соприча́стницы бы́вше му́дрых дев, уясни́вше свещи́ на́ша вéрою.

**Стих:** Го́споди, да не я́ростию Твоею́ обличи́ши менé, ниже́ гнэвом Твои́м нака́жеша менé.

**П**омяни́, душе́, ка́ко предста́нем Судии́ в час стра́шный? Поста́вятся престóли стра́шнии, и коегóждо дея́ния облича́ются, тогда́ Судия́ неумоли́мь. Та́мо огонь лю́те тебе́ угото́вася, я́коже дивие мо́ре, волну́емое áки покры́ти вся́ческая. Со все́ми си́ми виждь, душе́ моя́, стени́ прэ́жде конца́.

**Стих:** Дівен Бог во святых Своих, Бог Израилев.

**Мученичен:** Иже во всем мире мученик Твоих, яко багрянницею и вѣссом, кровью Цѣрковь Твоя украсившия, теми вопиет Ти, Христе Бже: людем Твоим щедроты Твоя низпосли, мир жителству Твоему даруй и душам нашим велию милость.

**Слава, и ныне, Богородичен:**

Господственно и истинно, Богородице, молящися яко Мати со дерзновением Сыну Твоему и Богу нашему, сохрани град изрядно, к покрову Твоему притекающий, в Тебе державу имущий, к Тебе прибегающий, пристанищу, стене, единому предстательству рода человеческого.

### **В среду**

**Седаьны крестны, глас 4:**

Искупил ны еси от клятвы законныя честною Твоею Кровию, на Кресте пригвоздився и копием прободься, безсмертие источил еси человеком, Спасе наш, слава Тебе.

**Стих:** Возносите Господа Бога нашего и поклоняйтесь подножию ногу Его, яко свято есть.

Скоро предвари, прежде даже не поработимся врагом, хулящим Тя и претящим нам, Христе Бже наш. Погуби Крестом Твоим борющия нас, да уразумеют, како может православных вера, молитвами Богородицы, Единыя Человеколюбче.

**Стих:** Дівен Бог во святых Своих, Бог Израилев.

**Мученичен:** Мученицы Твой, Господи, во страданиях своих венцы прияша нетленные от Тебе, Бога нашего; имуще бо крепость Твою, мучителей низложивша, сокрушивша и демонов неощущая дерзости. Тех молитвами спаси души наша.

**Слава, и ныне, Крестобогородичен:**

Дѣво Пренепорочная, Мати Христа Бога, оружие пройде Твою пресвятую душу, егда распинаема видела еси волею Сына и Бога Твоего; Егоже, Благословенная, молящи не престай, прощение прегрешений нам даровати.

### **В четверток**

**Седаьны апостольстии, глас 4:**

Светила в концех ученики Твоя, Христе, явил еси, сияющая душам нашим во тьме, разум Твой, Владыко; и лествица идолюскую тех ради омрачив, учеными благочестия просветил еси мир. Тех мольбами спаси души наша.

**Стих:** Во всю зѣмлю изыде вещание их, и в концѣ вселенныя глаголы их.

**Яко** Моисѣй Израїля от рабѣты, морем Чернымъ наставивый, десницею Твоею, Владыко, погрузивый фараона: тако чудесы, премудрии ученицы Твой море расторгша горькаго безбожия и люди наставиша к Тебѣ, Безначальне Слове и Едине Человеколюбче.

**Стих:** Дивен Бог во святых Своих, Бог Израилев.

**Мученичен:** Крестом вооружившися, страстотерпцы Твой победиша козни началзлбнаго врага, Христѣ Бѣже наш, возсияша, яко светила, человеки наставляюще, дают исцеления верою просящим. Тех молитвами спаси души наша.

**Слава, и ныне, Богородичен:**

Слово Отчее, Христа Бѣга нашего, от Тебѣ воплотившееся познахом, Богородице Дѣво, едина Чистая, едина Благословенная. Тем непрестанно Тя воспевающе величаем.

## **В ПЯТОК**

**Седальны Крестны, глас 4:**

**На** Крестѣ Тя пригвоздиша иудѣи, Спасе, имже нас от язык призвал еси, Человеколюбче Господи, простерл еси длани на нем волею Твоею; копием же ребра Твоя пробости изволил еси. Множеству щедрот Твоих слава, Долготерпеливе.

**Стих:** Возносите Господа Бѣга нашего и поклоняйтесь подножию ногу Его, яко свято есть.

**Свет** душ наших ныне зряще, Христѣ, Крест Твой пречистый, и поклоняющися тому, светло вопием Ти: слава Тебѣ, на сем вознестися восхотевый; слава Тебѣ, тем всю тварь просветивый; имже Ты непрестанно песньми славим.

**Стих:** Дивен Бог во святых Своих, Бог Израилев.

**Мученичен:** Честное страстотерпцев торжество, небо Церковь показá, и с человеки ликуют Ангели; тех молитвами, Христѣ Бѣже, спаси души наша.

**Слава, и ныне, Крестобогородичен:**

**На** Крестѣ Тя вознесена яко виде, Пречистая Мати Твоя, Слове Бѣжий, матерски рыдаючи вещаше: что новое и странное сие, Сыне Мой, чудо? Како, Жизнь всех, вкушавши смерти, оживити умершия хотя, яко Благоутробен?

## В седмицу 5-го гласа

### В понедельник

**Седальны умилительны, глас 5:**

Судий седящу, и Ангелом стоящим, трубё гласящей, и пламени горящу, что сотвориши, душе моя, ведома на суд? Тогда бо лютая твоя предстанут, и тайная обличатся согрешения. Темже прежде конца возопий Христу Богу: Сердцеведче, согреших, помилуй мя.

**Стих:** Господи, да не яростию Твоею обличиши мене, ниже гневом Твоим накажеш мене.

Душе, яже zde привременна, тамо же вечна. Зрю судилище и на престоле Судию и трепещу изречения. Прочее, душе, обратися, суд не прощаю.

**Стих:** Дивен Бог во святых Своих, Бог Израилев.

**Мученичен:** Господи, чаши страсти Твоея страсотерпцы Твои поревновавше, оставиша житейскую красоту и быша Ангелом сопричастницы. Тех мольбами подаждь душам нашим очищение и велию милость.

**Слава, и ныне, Богородичен:**

Со Ангелы небесная, с человеки земная, гласом радования, Богородице, вопиём Ти: радуйся, врата небес ширшая. Радуйся, Единая земнородных спасение. Радуйся, Чистая. Радуйся, Благодатная, рождающая Бога воплощенна.

### Во вторник

**Седальны умилительны, глас 5:**

На лóжи лежá грехов многих, окрадаюся надеждоу спасения моего: сон бо лениности моего ходатайствует души моей мучение. Темже пощади мя, Христе Боже, яко Един Человеколюбец.

**Стих:** Господи, да не яростию Твоею обличиши мене, ниже гневом Твоим накажеш мене.

Вси побдим и Христа усрящим со множеством елѣя и свещами светлыми, яко да чертога внутрь сподобимся; иже бо вне дверей постигнувый бездельне Богу воззовет: помилуй мя.

**Стих:** Дивен Бог во святых Своих, Бог Израилев.

**Мученичен:** Чудеса святых Твоих мученик, стѣну небориму нам даровавый, Христе Боже; тех молитвами советы языков разори, верныя люди укрепй, яко Един благ и Человеколюбец.

**Слава, и ныне, Богородичен:**

**Стр**áнное Дéвы та́инство ми́ру показáся спаси́тельное: от Нея́ бо роди́лся еси́ без се́мене и плóтию показáлся еси́ без ислéния, всех Рáдосте, Гóсподи, сла́ва Тебе́.

**В среду****Седальны крестны, глас 5:**

**Распéнша**гося Спáса и Избáвителя нáшего во́лею, я́ко весть и я́коже благоизво́ли, воспо́йм, ве́рнии, и просла́вим: я́ко пригвозди́ на Крестé грехи́ челове́ков, избавля́я от ле́сти род челове́ческий, и Цáрствия сподóбил есть.

**Стих:** Возносите́ Гóспода Бóга нáшего и покланя́йтесь подно́жию но́гу Его́, я́ко свято́ есть.

**Крест** претерпéв Твоёю во́лею, и от тли челове́ки свободи́л еси́, Спáсе; воспева́ем, ве́рнии, и покланя́емся Ти, я́ко просвети́л еси́ нас си́лою Крестно́ю, и вси прославля́ем Тя, Человеколю́бче ще́дрый, я́ко Жизнода́вда и Гóспода.

**Стих:** Дивен Бог во святы́х Свои́х, Бог Изра́илев.

**Мученичен:** Стрaсготéрпцы Твои́, Гóсподи, вели́кия заступни́ки показáл еси́, Спáсе, вселéнней, и́миже стра́сти отбега́ют; тех моли́твами спаси́ ду́ши нáша.

**Слава, и ныне, Крестобогородичен:**

**Кресту́** Господню́ предстоя́щи, рыда́ющи вопия́ше Богороди́ца: увы́ Мне, о Ча́до Моё! Увы́ Мне, Све́те о́чию Моёю! Ка́ко простёрлся еси́ на Крестé, простры́й божéственне не́бо, я́ко ко́жу, и от мо́ря возведы́й исто́чники вод Твои́м повелéнием?

**В четверток****Седальны апостольстии, глас 5:**

**Я́ко** самови́дцы Сло́ва и слуги́ Христóвы, премудры́я апóстолы похва́лим в пéснях духо́вных и пéниих, вси земни́и: Христа́ бо приле́жно мо́лят ти́и о нас, пою́щих свяще́нную их па́мять и покланя́ющихся мощéм.

**Стих:** Во всю зéмлю изы́де вещáние их, и в концы́ вселéнныя глаго́лы их.

**Апóстолы** Господни́ соглáсно восхва́лим, я́ко свети́ла, я́вльши́яся вселéнней: язы́ки бо благоче́стно улови́ша и, просвети́вше нас, возпро́ведáют я́сно Трóицу че́сти Святу́ю, соединéнную у́бо Суще́ством, разделéнную же Ипостáсьми.



**Стих:** Дивен Бог во святых Своих, Бог Израилев.

**Мученичен:** Святых мученик исправлением, Небесныя Силы преудивишася, яко в теле смертном, безтелеснаго врага, силою Креста подвижавшеся добре, победиша невидимо; и молятся Господеви, помилватися душам нашим.

**Слава, и ныне, Богородичен:**

Неискусобрачная Невесто и Приснодево, со Ангелы непрестанно восхваляем Тя, яко сотвори нам величия Тобою Сын Твой и Бог, Иже прежде век от Отца, во утробе Твоей вместитися благоволи, свободити от прелести род наш.

## В пяток

**Седальны крестны, глас 5:**

Место лобное рай бысть: точно бо водрузися Древо Крестное, абие израсти грозд животный, Тебе, Спасе, в наше веселие, слава Тебе.

**Стих:** Возносите Господа Бога нашего и поклоняйтесь подножию ногу Его, яко свято есть.

Древо Креста Твоего, Спасе наш, миру показася спасительно: на нем бо волею пригвоздивыйся, от клятвы избавил еси земнородныя, всех Радосте, Господи, слава Тебе.

**Стих:** Дивен Бог во святых Своих, Бог Израилев.

**Мученичен:** Сияет днесь память страстотерпец, имать бо и от небес зарю; лик Ангельский торжествует, и человеческий род спразднует. Темже молятся Господеви, помилватися душам нашим.

**Слава, и ныне, Крестобогородичен:**

На Кресте Тя, Христе, зрящи Мати Твоя, волею посреде разбойнику висяща, растерзающися матерски утробою, глаголаше: безгрешный Сыне, како без правды на Кресте, яко злодей, пригвоздился еси, род человеческий оживити хотя, яко Преблагий?

## **В седмицу 6-го гласа**

### В понедельник

**Седальны умиленные, глас 6:**

Помышляю день страшный и плачуся деяний моих лукавых: како отвещаю Безсмертному Царю? Или коим дерзновением воззрю на Судию, блудный аз? Благоутробный Отче, Сыне Единородный, Душе Святой, помилуй мя.

**Стих:** Гóсподи, да не я́ростию Твоёю обличи́ши мене́, ниже́ гнёвом Твои́м нака́жеша мене́.

**Во удо́ле плачевне́, на ме́сте, е́же завеща́л еси́, егда́ сядеши, Мило́стиве, сотвори́ти пра́ведный суд, не обличи́ моя́ сокрове́нная, ниже́ посрами́ мене́ пред Ангелы, но пощади́ мя, Бо́же, и поми́луй мя.**

**Стих:** Дивен Бог во святы́х Свои́х, Бог Изра́илев.

**Мученичен:** Свет пра́ведным ввину́: святы́и бо, Тобо́ю просвети́вшеся, сия́ют при́сно, я́ко свети́ла, све́щник нечести́вых угаси́вше; ихже моли́твами, Спа́се наш, Ты просвеща́еши свети́льник мой, Гóсподи, и спаси́ мя.

**Слава, и ныне, Богородичен:**

**Пресла́вную Бо́жию Ма́терь, и святы́х Ангел святе́йшую, немóлно воспоём се́рдцем и усты́, Богоро́дицу Сию́ испове́дающе, я́ко вои́стинну Ро́ждшую Бо́га воплоще́нна, и моля́щуюся непреста́нно о душа́х на́ших.**

## **Во вторник**

**Седа́льны умили́тельны, глас 6:**

**Му́дрых дев бо́дрственное да́руй ми, Гóсподи, и души́ мое́й свещу́ просвети́ елеем щедро́т Твои́х, да а́нгельскую песнь вопию́ ти: аллилу́ия.**

**Стих:** Гóсподи, да не я́ростию Твоёю обличи́ши мене́, ниже́ гнёвом Твои́м нака́жеша мене́.

**Поми́луй нас, Гóсподи, поми́луй нас; вся́каго бо отве́та недоуме́юще, сию́ ти моли́тву я́ко Влады́це грешни́и прино́сим: поми́луй нас.**

**Стих:** Дивен Бог во святы́х Свои́х, Бог Изра́илев.

**Мученичен:** Страда́льческий по́двиг претерпе́вше святы́и и по́чести победы́ от Тебе́ прии́мше, упраздни́ша кова́рства беззакóнных, прии́ша венцы́ нетле́ния. Те́ми, Бо́же, да́руй нам ве́лию ми́лость.

**Слава, и ныне, Богородичен:**

**Милосе́рдия двéри отве́рзи нам, благослове́нная Богоро́дице, наде́ющиеся на Тя да не поги́бнем, но да изба́вимся Тобо́ю от бед: Ты бо еси́ спасе́ние ро́да христиа́нского.**

## **В среду**

**Седа́льны крестны, глас 6:**

**Днесь проро́ческое испо́лнися сло́во, се бо покланя́емся на ме́сто, иде́же стоя́те но́зе Твои́, Гóсподи; и, дре́во спасе́ния вкуси́вше, грехо́вных страсте́й свобо́ду улучи́хом, моли́твами Богоро́дицы, Еди́не Человеколю́бче.**

**Стих:** Возносите Господа Бога нашего и поклоняйтесь подножию ногу Его, яко свято есть.

**Крест Твой, Господи, освятися, в нем бо бывають исцеления болящим во гресех; имже Тебе припадаем, помилуй нас.**

**Стих:** Дивен Бог во святых Своих, Бог Израилев.

**Мученичен:** Страдальческая сопротивления в подвиже, мучительския раны на мученицех, и стояху лица безплотных, почести держаше победы; удивisha мучители и цари, премудрии; низложisha велиара исповеданием Христовым. Укрепивый их, Господи, слава Тебе.

**Слава, и ныне, Крестобогородичен:**

**Тя рождшая, Христэ, Приснодева Отроковица, на Крестэ Тя нас ради вознесена зрящи, уязвляше печали оружием душу и плакашеся рыдаючи матерски. Тоя молитвами помилуй нас, Господи милости.**

## В четверток

**Седалины апостольсти, глас 6:**

**Яко посреде ученик Твоих пришел еси, Спасе, мир дай им, прииди и к нам, и спаси нас.**

**Стих:** Во всю землю изыде вещание их, и в концы вселенных глаголы их.

**Ученицы Твой, Иисусе, в концы земли посылаеми, языки благочестно, яко рыбы, уловивше, приведоша к Твоей благодати, Господи. И теми вопием Ти, Человеколюбче: людем Твоим подаждь велию милость.**

**Стих:** Дивен Бог во святых Своих, Бог Израилев.

**Мученичен:** Стратотерпец Твоих память, Господи, показася яко рай, иже во Едеме: о ней бо радуется всяка тварь; и подаждь нам, Христэ, молитвами их мир и велию милость.

**Слава, и ныне, Богородичен:**

**Святая Владычице, чистая Бога нашего Мати, всех Творца неизреченно рождшая, моли со апостолы священными всегда благодать Его страстей нас избавити и оставление нам дати грехов.**

## В пяток

**Седалины крестны, глас 6:**

**Токмо водрузися Древо, Христэ, Креста Твоего, основания поколебашася смерти, Господи; Егоже бо поглотит желанием ад, отпусти трепетом. Явил еси нам спасение Твое, Святыи, и славословим Тя, Сыне Божий, помилуй нас.**

**Стих:** Возносите Господа Бога нашего и поклоняйтесь подножию ногу Его, яко свято есть.

Господи, осудиша Тя иудее на смерть, Жизнь всех; иже Черное море жезлом прошедши, на Кресте Тя пригвоздиша, и иже от камене мед ссавши, желчь Тебе принесоша. Но волею претерпел еси, да нас свободиши от работы вражия; Христе Боже, слава Тебе.

**Стих:** Дивен Бог во святых Своих, Бог Израилев.

**Мученичен:** Иже на судищи Христа проповедавшия и беззаконных прещений не боявшияся, удивил Господь: низложил бо страдальческим терпением дерзости беззаконных, прияша от Христа достойно благодать исцелений, непрестанно моляще спастися душам нашим.

**Слава, и ныне, Крестобогородичен:**

Богородице Дево, моли Сына Твоего, волею пригвоздившагося на Кресте и мир от прелести свободившаго, Христа Бога нашего, помилovati души наша.

## В седмицу 7-го гласа

### В понедельник

**Седалны умилительны, глас 7:**

Имуще, душе моя, врачество покаяния, приступи слезящи, воздыханием вопиющи: Врачу душ и телес, свободи мя, Человеколюбче, от моих согрешений, сопричти мя блуднице, и разбойнику, и мытарю; и даруй ми, Боже, беззаконий моих прощение и спаси мя.

**Стих:** Господи, да не яростию Твоею обличиши мене, ниже гневом Твоим накажеша мене.

Мытареву покаянию не поревновах и блудницы слез не стягах: недоумеюся бо от ослепления о таком исправлении; но Твоим благоутробием спаси мя, Христе Боже, яко Человеколюбец.

**Стих:** Дивен Бог во святых Своих, Бог Израилев.

**Мученичен:** Святии Твои, Господи, на земли подвигшися, врага попраша и идольскую лесь упраздниша; темже и венцы от Тебе прияша, Человеколюбца Владыки и милостиваго Бога, подающаго нам велию милость.

**Слава, и ныне, Богородичен:**

Честнейшая славных Херувимов еси, Пречистая Дево: они бо Божественнаго не терпяще сияния, крилами покрытым лицом службу совершают; Ты же воплощенна Слова самовидно зрящи носиши, Егже непрестанно моли о душах наших.

## **Во вторник**

### **Седальны умильтельны, глас 7:**

**Блудницы слезы и Петровы приемыи, Господи, и мытаря оправдавый, из глубины воздохнувши, и мене во умилении припадающа, ущедри, Спасе, и помилуй мя.**

**Стих: Господи, да не яростию Твоею обличиши мене, ниже гневом Твоим накажеша мене.**

**Петрово отвержение слезами очистив и мытаря прегрешения воздыханием простив, Человеколюбче, слава Тебе.**

**Стих: Дивен Бог во святых Своих, Бог Израилев.**

**Мученичен: Радуйтесь, праведнии, да возвеселятся небесная, на земли бо мученицы подвижшеся, прелесть упраздниша. Да играет Церковь победительная, празднующи Страстоположнику и Единому Победотворцу Христу Богу, подающему миру велию милость.**

### **Слава, и ныне, Богородичен:**

**Превозшла еси Силы Небесных, зане храм показала еси Божественный, благословенная Богородице, яко рождающая Христа, Спаса душ наших.**

## **В среду**

### **Седальны крестны, глас 7:**

**Церковь вопиет Ти, Христе Боже, в кедре, и певке, и кипарисе, покланяющихся Тебе; победы православным людем Богородицею даруяй, помилуй нас.**

**Стих: Возносите Господа Бога нашего и покланяйтесь подножию ногу Его, яко свято есть.**

**Мене ради претерпевый еже на Кресте пригвождение, прими мое бодрое хваление, Христе Боже, яко Человеколюбец.**

**Стих: Дивен Бог во святых Своих, Бог Израилев.**

**Мученичен: Безбожия мучителей презревше и мучений болезни преобидевше, святии, веры во Христа не отвергостесь; тем молите Человеколюбца Бога, спастися душам нашим.**

### **Слава, и ныне, Крестобогородичен:**

**Распеншагося за ны Христа Бога и разрушившаго смерти державу, непрестанно моли, Богородице Дево, да спасет души наша.**

## **В четверг**

### **Седальны апостольстии, глас 7:**

**Делатели села Твоего** показал еси апостолы Твоя, Слове, посекающие идола; тем Ты Владыку во языцех проповедавшие, благочестно величаша.

**Стих:** Во всю землю изыде вещание их, и в концы вселенныя глаголы их.

**Прехвальных апостолов** память, Церкви питателие творяще, песнями песней воспойм Христа; ти бо повинныя греху спасоша, проповеданием покаяния, прелести гонителие, и мира сеятелие, и молитвенницы вселенныя.

**Стих:** Дивен Бог во святых Своих, Бог Израилев.

**Мученичен:** Святии, молитве оставление даровати нам согрешений наших и чаемых лютых избавити нас и горькия смерти, молимся.

### **Слава, и ныне, Богородичен:**

**Радуйся,** из Неяже непреложно Слово плоть бысть и вселися в нас. Радуйся, Чистая, апостолов и мучеников радование и верных спасение. Радуйся, Мати Христа Бога.

## **В пяток**

### **Седальны крестны, глас 7:**

**Огня светлейшее,** пламене действеннейшее Древо показал еси Креста Твоего, пополающее грехи недугующих и просвещающее сердца поющих вольное Твое распятие, Христе Боже, слава Тебе.

**Стих:** Возносите Господа Бога нашего и поклоняйтесь подножию ногу Его, яко свято есть.

**Владычествуй** безплотными Силами и ведый души моея леностное, Крестом Твоим спаси мя, Христе Боже, яко Человеколюбец.

**Стих:** Дивен Бог во святых Своих, Бог Израилев.

**Мученичен:** Мученицы Твоя, Господи, врага победиша и прелесть идольскую посрамиша, вооружившися Крестною силою. Темже и со Ангелы воспевающе зовут победную песнь, славословяще Тя, Христе; теми Тя молим, спаси нас.

### **Слава, и ныне, Крестобогородичен:**

**Распешагося** за ны Христа Бога и разрушившаго смерти державу, непрестанно моли, Богородице Дево, да спасет души наша

## В седмицу 8-го гласа

### В понедельник

Седалины умилительны, глас 8:

**О**ком благоутрѣбным, Гѳсподи, виждь моѳ смиреніе, ꙗко помале жизнь моя иждиваетса, и от дел несть мне спасенія. Сего ради молюся: оком благоутрѣбным, Гѳсподи, виждь моѳ смиреніе и спаси мя.

**Стих:** Гѳсподи, да не яростию Твоею обличиши мене, ниже гневом Твоим накажеши мене.

**Я**ко Судий предстоящу, попецѳся, душе, и страшнаго дне час помышляй: суд бо немилостив есть не сотворшим милости. Возопий убо Христу Богу: Сердцевѣдче, согреших, прежде даже не осудиши, помилуй мя.

**Стих:** Дивен Бог во святых Своих, Бог Израилев.

**Мученичен:** Светила умная явистеса святии мученицы, мглу бо прелести упразднисте верою, и душевныя свещи ваша просветисте, и с Женихом со славою внидоште в Небесный чертог; и ныне молим вы, молитеса спастиса душам нашим.

Слава, и ныне, Богородичен:

**М**ысленная врата жизни, Пречистая Богородице, притекающая Тебе верно избави от бед, да славим пресвятое Рождество Твое, во спасение душ наших.

### Во вторник

Седалины умилительны, глас 8:

**Я**ко блудница припадаю Ти, да приму оставление, и вместо мира слезы от сердца приношаю Ти, Христе Боже; да яко оную ущедриши мя, Спасе, и подаси очищение грехов. Яко оная бо зову Ти: избави мя от тмения дел моих.

**Стих:** Гѳсподи, да не яростию Твоею обличиши мене, ниже гневом Твоим накажеши мене.

**Д**ень он страшный помышляючи, душе моя, побди, вжигаючи свещу твою, елеем просвещаючи: не веси бо, когда придет к тебе глас глаголющий: се Жених! Блуди убо, душе моя, да не воздремлещи, и пребудещи вне толкущи, яко пять дев; но бодренно пожди, да усрящещи Христа елеем маститым, и даст ти чертог Божественный славы Своея.

**Стих:** Дивен Бог во святых Своих, Бог Израилев.

**Мученичен:** Светом небесным сияет днесь сия скиния: в сей бо воинства Ангельская радуются, с нимиже мученичестии лица веселятся о памяти страстотерпец. Тех молитвами низпосли миру Твоему мир, Христе, и велию милость.



**Слава, и ныне, Богородичен:**

**Недвѣжимое утверждѣние вѣры и честный дар душ наших, Богородицу пѣсньми величаем, вѣрнии: радуйся, Камень жизни во чреве Твоем вмѣстившая. Радуйся, концѣй надѣждо, скорбящих заступлѣние. Радуйся, Невѣсто Невѣстная.**

**В среду****Седалны крестны, глас 8:**

**Видя разбойник Начальника жизни на Крестѣ висѣща, глаголаше: аще не бы Бог был воплощся, Иже с нами распныйся, не бы солнце лучи [свой] потайло, ниже бы земля трепещущи тряслася; но вся терпѣй, помяни мя, Господи, во Царствии Твоем.**

**Стих: Возносите Господа Бога нашего и поклоняйтесь подножию ногу Его, яко свято есть.**

**Посредѣ двою разбойнику мѣрило праведное обрѣтеся Крест Твой: овому убо низводиму во ад тяготою хуления, другому же легчащуся от прегрешений к познанию богословия: Христѣ Божѣ, слава Тебѣ.**

**Стих: Дивен Бог во святых Своих, Бог Израилев.**

**Мученичен: Тѣснаго и скорбнаго пути неуклоннии путешественницы бысте, святѣи мученицы: искушений бо волнение претерпѣсте и безплотных слуг житѣльство воспрѣясте, камень терпѣния и основанія благочестия показастеся, молитѣ Христа Бога о душах наших.**

**Слава, и ныне, Крестобогородичен:**

**Агнца и Пастыря и Спаса мира на Крестѣ зрящи, Родшая [Тя] глаголаше слезящи: мир убо радуется, приѣмля избавлѣние, утроба же Моя горит, зрящи Твое распятѣ, еже о всех терпиши, Сыне и Божѣ Мой.**

**В четверток****Седалны апостольсти, глас 8:**

**Благословен еси, Христѣ Божѣ наш, Иже премудры ловцы явлѣй, низпослав им Духа Святаго и теми уловлѣй вселенную; Человеколюбче, слава Тебѣ.**

**Стих: Во всю зѣмлю изыде вещание их, и в концы вселенныя глаголы их.**

**Светила мира и наставники, нашего спасения начаток, божественныя воспойм ученики Бога нашего, яко свет сущим во тьме нам возсияша и Солнце славы всем сказаша; темже и прѣлесть идольскую низложиша, Троицу проповѣдавшие во Едином Божествѣ. Сего ради молимся, апостоли Христа Бога, прегрешений оставленію дароватися празднующим любовію святыю память вашу.**

**Стих:** Дивен Бог во святых Своих, Бог Израилев.

**Мученичен:** Доблественне течение совершивше, мучителем сопротивившестя мученицы; телеса бо умертвивше на земли, восприясте небесную жизнь святии.

**Слава, и ныне, Богородичен:**

Радуйся, Ангелом Радость мира приемшая, радуйся, рождающая Творца Твоего и Господа, радуйся, сподобляющаяся быти Мати Божия.

### **В пяток**

**Седалны крестны, глас 8:**

Посреде Едема древо процветет смерть, посреде же всей земли Древо прозябет жизнь: вкусивше бо первого, нетленни суще, тленни быхом, получивше же второго, нетления насладихомся; Крестом бо спасаеши, яко Бог, род человеческий.

**Стих:** Возносите Господа Бога нашего и поклоняйтесь подножию ногу Его, яко свято есть.

В рай убо прежде древом обнажи, о вкушении враг нанося умерщвление; Креста же Древо живота одеяние человеком нося наведе на земли, и мир весь исполнися всякия радости. Егоже видяще возвышаема, Богу в вере, людие, согласно воззовем: исполнь храм славы Его.

**Стих:** Дивен Бог во святых Своих, Бог Израилев.

**Мученичен:** Воздержанием страстей огнепальныя умертвивше зраки и движения, Христовы мученицы прияша благодать недуги отгоняти немощных, и живше, и по кончине чудодействовати. Воистинну чудо преславно, яко кости наги источают исцеления; слава Единому и Создателю Богу.

**Слава, и ныне, Крестобогородичен:**

Иже от кровей Твоих чистых воплощенна и паче мысли от Тебе, Чистая, рожденна, на Древе висима посреде злодею зрящи, утробой болела еси и матерски рыдаючи вопияла еси: увы мне, Чадо Моё, кое Божественное и неизреченное смотрение Твое, имже оживил еси создание Твое? Воспеваю Твое благоутробие.

